

REÇU
Par Alff Christian, 16:20, 11/03/2021

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Mamer, den 11. Mäerz 2021

Här President,

sou wéi d'Chambersreglement et virgesäit, bieden ech lech, dës parlamentaresch Fro un den Här Policeminister an un den Här Minister vun der öffentlecher Funktioun weiderzeleeden.

Mat der Reform vun der groussherzoglecher Police, déi den 1. August 2018 a Kraaft getrueden ass, huet d'Police sech - och wat de Stage - ubelaangt, op d'Bestëmmunge vum Staatsbeamtestatut alignéiert. D'Stagiären an der Police kréien also, wéi all Stagiär beim Staat, ee Stagepatron zougewisen, deen si während der Stagezäit begleet an ënnerstëtzt. Souwäit dat mir bekannt ass, gouf an engem Ofkomme vum 15. Juli 2011 (Accord de fin de litige) tëscht der Regierung an der Staatsbeamtegewerkschaft CGFP festgehalten, datt de Stagepatrone fir déi zousätzlech Aarbecht a Verantwortung, déi si droe mussen, eng speziell Indemnitéit ausbezuelgt géif. D'Héicht vun dëser Indemnitéit géif iwwerdeems vum Regierungsrat festgeluecht.

An deem Kontext hätt ech folgend Froen un déi Häre Ministeren:

1. Wéi héich ass de Betrag vun der spezieller Indemnitéit fir Stagepatronen?
2. Ass dës speziell Indemnitéit fir all Gehaltsgruppen identesch?
3. Gëtt des speziell Indemnitéit multiplizéiert, wann ee Stagepatron gläichzäiteg méi Stagiäre betreit?
4. Gëtt des speziell Indemnitéit all Mount ausbezuelgt? Wann nee, wéi gëtt dës Indemnitéit, zäitlech gesinn, genee ausbezuelgt?
5. Ass des speziell Indemnitéit versteierbar?
6. Gëtt des speziell Indemnitéit op d'Pensiounsuspréich vum jeeweilege Patron ugerechent?
7. Mussen d'Stagepatronen dës speziell Indemnitéit ufroen oder kréien si déi automatesch?
8. Wéi vill Mol ass säit dem 1. Oktober 2015 schonn esou eng speziell Indemnitéit fir Stagepatronen ausbezuelgt ginn?
9. Ass och an der groussherzoglecher Police schonn esou eng speziell Indemnitéit fir Stagepatronen ausbezuelgt ginn?
10. Wann nee, firwat net?
11. A wéi engen anere Staatsverwaltungen oder Staatsservicer ass nach keng speziell Indemnitéit fir Stagepatronen ausbezuelgt ginn?
12. Am Fall wou ee Stagepatron keng sou eng speziell Indemnitéit ausbezuelgt kritt huet, wéi kann hien dës nodréiglech ufroen?

13. Wann ee Stagepatron trotz dem virgenannten Ofkommens vum 15. Juli 2011 keng sou eng speziell Indemnitéit fir Stagepatronen ausbezuelt kritt, ass hien dann awer verpflichtet, déi zousätzlech Aarbecht a Verantwortung ze iwwerhuelen an des Missioun quasi "gratis" ze erfëllen?
14. Ass d'Regierung an deem Kontext net verpflichtet, sech un ënnerschriwwen Ofkommessen ze halen?

Mat déiwem Respekt,



Fred Keup
Deputéierten



CHAMBRE DES DÉPUTÉS
GRAND-DUCHÉ DE LUXEMBOURG

Dossier suivi par Christian Alff
Service des séances plénières et
secrétariat général
Tél : 466.966.223
Fax : 466.966.210
e-mail : calff@chd.lu

Monsieur Marc Hansen
Ministre aux Relations avec le Parlement
Luxembourg

Luxembourg, le 11 mars 2021

Objet : Question parlementaire n° 3837 du 11.03.2021 de Monsieur le Député Fred Keup -
Patron de stage dans la Police grand-ducale

Monsieur le Ministre,

J'ai l'honneur de vous communiquer par la présente la question parlementaire sous objet.

Je vous prie de bien vouloir me faire parvenir la réponse du Gouvernement dans le délai
d'un mois afin que je puisse la faire publier avec la question au compte rendu.

Veillez agréer, Monsieur le Ministre, l'expression de mes sentiments les plus distingués.

Fernand Etgen
Président de la Chambre des Députés